

ECCLESIAE PRINCIPI
D. D. IACOBO DE NEVFCHAISE
EPISCOPO ET COMITI CABILLONENSI
ABBATI DE FERRIERES. DE BRETVEIL &c.
REGI A SECRETIORIBVS CONSILIIS.

QUAE supremum honoris gradum inter praestantissimas artes sibi vendicat Medicina, inquam hodie se confert clientelam, tuumque implorat patrocinium (PRAESVL ILLVSTRISSIME.) Esi diuina haec Appollinis proles, cujus leges pro miraculis & verba pro oraculis habentur, Aesculapios quondam, Hippocrates, Galenos, aliosque innumeros optimarum artium studijs commendatissimos spectantissimosque in lucem produxerit, qui longa temporum serie veritates Medicas ab aggrauarum & improborum tenebrionum praestigijs vendicauerunt: nihilominus diuina eius oracula alijs quam tuis auspicijs in lucem prodire non poterant, nec alterius nomini quam tuo nobilissimo, & origine, nobilitate, fumosis majorum imaginibus, pietate, religione, doctrina, optimis moribus rebusque praclarè gestis, celebratissimo consecrari. Et certe in tanta rei argumentum scire, sat est (PRAESVL NOBILISSIME) Te, ex illustri Neucheforum familia ortum fuisse, duces, patesque Francia, necnon religiosissimos praefules, virosque regni & Religionis defensores, tuos dignissimos maiores extitisse. Nec quæ suis laudibus in majorum monumentis, Te Pastorem dignissimum, sumque decus & propugnaculum accerrimum, aurè gloriantur Ecclesia Gallicana & Liliorum Imperium. Hac admirabilis facundia, summaque dicendi grauitas & optima Consilia, quæ in concessu Parisiensi, cui praefectus eras, omnium admirationem tibi conciliarunt, hanc veritatem ab omnibus extorquent, nullum tibi fuisse similem; & naturam rerum prouidam, talem virum, Phœnicis ad instar, producluram, multa temporum spacia consumere. Nullus etiam mehercule existit de sua patria & religione bene meritus, qui calum continui non fatiget precibus, ut ceptis saneat prospera fortuna. Ego verò (ECCLESIAE PRINCEPS MERITISSIME) tot beneficiarum in parentes collatorum non immemor, ut primum laborum meorum fructum licet indignum, arte foueas & tua clientela haud dedigneris, humiliter exopto. Interim viue & vale, ac felicibus vitæ fati qualia tibi æternum exoptat.

Tuus humillimus atque obsequentiissimus cliens ANDREAS PORCHON.

QUESTIO MÆDICA 19
P V B L I C I S D I S P U T A T I O N I B V S A G I T A N D A
I N S C H O L I S M E D I C O R V M
DIE IOVIS XI. IANVARII HORA DECIMA MATVTINA
MAGISTRO MICAELE NEPVEV DOCTORE MEDICO MODERATORE.

An Febris conuulsioni superueniens salutaris?

CONFLVXVS vnus, conspiratio vna, consentientia omnia: corpus humanum tribus constat, partibus, humoribus, & spiritibus, ita inter se vnitis, ut quamlibet operationem suscipiat celebrandam, ad eam velut communem scopum, mirā quādam sympathiā, confluant omnes humores, conspirent omnes spiritus, consentiant & coadiuent omnes partes; hinc partes spiritus & humores, quasi circulum inter se constituunt, mediantibus nervis, arterijs, & venis; hinc principium magnum, pars scilicet princeps, ad extremam partem peruenit, & extrema ad magnum principium; nec etiam omnes partes, prius aut posterius, in prima factus conformatione, alteræ alteris discriminantur & augentur, etiam si maiores naturā, priores apparent minoribus, cum non priores existant. Mirabilem sympathiam omnium partium corporis humani, frequens morborum complicatio salutaris aut funesta sequitur, ut nulla pars illius sit, quæ superuacanea alijs quibuscumque partibus, interdum transmittere, aut vice versā, ab alijs excipere, non possit; & sic principium magnum ad extremam partem peruenit, & extrema ad magnum principium.

PRINCIPIVM magnum cerebrum est, in quo ritè constituto, anima rationalis, formatumque principis, actus corporis organici potestate vitam habentis, suas functiones in partibus locis distinctas obit, & ex quo ministras, nervorum ope, in cæteras partes mandat, eodem verò præter naturam affecto, infinitis propè modis, per variam symptomatum connexionem, interturbatur, ad quorum aspectum, ad stantes præsertim expauescunt, nusquam frequentius, quam ad omnem conuulsionis genus. *Præter naturam* nervorum est & musculorum suam originem versus præter voluntatem contractio dolorifica, motui voluntario non ab similibus, ab eo discrepans, quod iussu nostro, cum doloris sensu contingat; vniuersalis est vel particularis: ille totum corpus, hic partem aliquam, adeo arde occupat, ut flecti non possit: vniuersalis triplex *Præter naturam* cum corpus in priora curatur, *Præter naturam* cum in posteriora, & *Præter naturam* cum æquali robore in utramque partem intenditur, particularis multiplex, nervis aut musculis affectis, variarum corporis partium motioni destinatis.

CONVULSIO omnis *Præter naturam* vel *Præter naturam*, illa semper ab inanitione aut repletione, opus causæ morbificæ in affecta partē consistens, potius quam naturæ; hæc à qualitate vel aurā malignā, opus naturæ injuriarum propulantis, potius quam causæ morbificæ, aliunde tantum adueniens. conuulsio ab inanitione sensum & multo tempore gignitur, eamque præcedunt ardens febris, hellebore, alteriusve medicamenti potio, immoderata sanguinis profusio, immodicæ vigiliæ, inedia, vel improbus labor: conuulsio repletionis sequax excitatur, vel ob inflammationem ab affluxu sanguinis, vel ob coarctationem nervorum in longum, & extensionem eorumdem in latum, ab affluxu humoris frigidi & crassi, ad quam referas conuulsiones, ex vulnere, ex immodico frigido, & quædam *Præter naturam* à statu crasso; conuulsio per consensum gignitur, cum malignitate ad nervos delatā vis animalis excitatur, & suis moribus conuulsivis hostem expellere tentat; malignitatem defferunt vapores à morfu virulento, ab ore ventriculi, à vermibus, vel ab vitro elevati, sæpius sæpius cerebrum vel nervos offendentes.

MORBI superueniunt alijs, *Præter naturam* vel *Præter naturam*, illa fit, cum fixo nec sede mutato priori foco, pars in alterius partis affectum trahitur, ex vicinia vel muneris societate, in quibus eminet conueniens applicatio, vel ex affinitate generis, in qua eminet aptitudo materiae. *Præter naturam* fit, cum materia morbifica, relicto priori foco, in aliam partem transmittitur; per materiam, ægri rebus perpetuo malis, vel *Præter naturam*, interdum bonis: Febris morbus vniuersalis, vniuersis ferè morbis superuenit, omni sexui, ætati, temperamento, regioni, loco, & tempori vniuersaliter familiaris, ut sine illā vitæ claustra abrumpi non fas sit; febris proxima causa & immediata, vnio est in corde caloris influentis, sanguinis scilicet & spirituum, ut ita adaucto calore, & roboratis spiritibus, vitalis facultas, eos deinde transmittit, per totum corpus, vel ad præcipuas partes, noxium aliquod functiones viuents impediens, expulsiuos: unde propt noxium illud magis, vel minus irritat, aut contumacius resistit, ita sæpius vel rarius ad expellendum naturā infurgit, aut diutius in id agendo perseverat.

FEBRIS & conuulsio sibi inuicem superueniunt, interdum bonis ægri rebus, interdum malis: est enim per æquæ facilis, à forti naturæ contentione, translatio è nervis ad venas, quam ab iisdem venis ad nervos, etiam si melius sit febrem in conuulsione fieri, quam conuulsionem in febre: conuulsio febris superueniens interdum salutaris est, quando scilicet febrilis materia, è venis ad nervos partes, aut tota aut maiori ex parte transposita, excitatis inde moribus conuulsivis excutitur, & dissipatur, sed fugax sit conuulsio eadem, die, aut alterā, vel certè tertā febrem foluens, alioquin conuulsio magnarum febrium sequax funesta est, per nervosarum partium exsiccationem, quæ neque priorem soluit morbum, neque ipsa sanabilis est: febris autem conuulsioni superuenit, interdum malis ægri rebus, conuulsioni nimirum ab inanitione, inflammatione, aut à malignis vaporibus calidis suscitata; sæpius ægri bonis, conuulsionem sanat exorta febris acuta, quæ prius non fuit, aut si prius fuerit exacerbata, calore siquidem adaucto, & roboratis spiritibus, naturā fortior, noxium quod erat impedimento functionibus viuents, conuulsificam scilicet materiam extenuat, atque discutit, & frigidam nervosarum partium discrasiam attemperat, ut etiam licet medico, ad naturæ imitationem, febrem excitare in conuulsis.

Ergo Febris conuulsioni superueniens salutaris.

Proponebat Andegavi, ANDREAS PORCHON Puteolanus, Anno R. S. H. M. DC. LVII.

ANDEGAVI, Apud PETRVM AVRIL, Regis & Accademie Typographum: ET IOANNEM LE BOVLANGER, Typographum & Bibliopolam.